

آللاها توکول ائتمگین واقعی معناسی

ماده عالمینده مقصده چاتماغا بیر سئری طبیعی دلیل لر و بیر سئری روحانی و نفسانی دلیل لر احتیاجدیر.



ماده عالمینده مقصده چاتماغا بیر سئری طبیعی دلیل لر و بیر سئری روحانی و نفسانی دلیل لر احتیاجدیر.

قورآن کریم موختلیف یئرلرده آللاها توکول ائتمگی ایمانلی اینسانلارین خصوصتلیریندن ساییر و بویورور: « وعلی الله فتوکولوا ان کنتم مؤمنین» ایمانیز اولسا آللاها توکول اندین. (مانده سوره سی آیه 23)

علامه طباطبایی توکولون تعریفینده بئله یازیب:

ماده عالمینده ایراده نین نفوذونا و مقصده چاتماغا، بیر سئری طبیعی دلیل لر و بیر سئری روحانی و نفسانی دلیل لر احتیاج وار. اینسان، عمل میدانینا گیرنده و بوتون طبیعی عامل لر حاضر اولان زمان، اونان مقصد آراسیندا قاصیله یارادان ایراده سوستلوغو، قورخو و آیری روحی عامل لر دیر.

بو وضعینده اینسان آللاها توکول ائله سه، ایراده سی گوجلو و عزمی ثابت اولوب روحی مانع لر و موزاحیملر اونون موقابیلینده خوتتا اولماق. چونکی توکول مقامیندا اینسان عیلتلر عیلتی اینن بیرلشه جاق و بو بیرلشماغینان نیگرانچیلیغا یئر قالما یاجاق.

امیرالمؤمنین علی (ع) توکول باره سینده بویورور: « من توکل علی الله ذلت له الصحاب و تسهلت علیه الاسباب و تبوء الخفض و الکرامه» هر کیم آللاها توکول ائلیه چتینلیقلار اونا یوموشانار و وسیله لر اونا فراهم اولار و راحالیقدا و وسعتده و کرامتده یئر آلا.

توکول اینسانین بوتون ایجتیماعی و شخصی ایشلرینه اثر قویار او جومله دن تصمیم توتماغا کی باعث اولار اینسان تصمیمینده قاطع و قرارلی اولسون. بو باره ده قورآندا چوخلی آیه وار.

توکولون ایکینجی ثمره سی شوجاعتدیر. اینسان آللاها توکول ائدیپ میدانا وارید اولاندا هنج زادان و هنج کسدن قورخوسو اولماز.

توکولون اوچونجو فایداسی گوناهدان و شیطان سولطه سیندن اوزاق اولماقدیر. قورآن بو باره ده بویورور:

« فقالوا علی الله توکلنا ربنا لاتجعلنا فتنه للقوم الظالمین» دندیلر آلاها بیز سنه توکول ائدیریک! بیزی طالیم قومون فیتنه سی آلتیندا قویما!

توکولون اثرینه ریوایتلرده ده ایشاره اولوب. پیغمبر (ص) بویورور: « من احب ان یكون اقوی الناس فلیتوکل علی الله» هر کیم جماعتین لاپ گوجلوسو اولماق ایستیر، آللاها توکول ائله سین.

ریوایتلرده توکولون اثرلریندن بوخاری هیتمه ده ایشاره اولوب. ریوایتلرده وار پیغمبر (ص) بیر عیده نی گورور کی اوتورولار و اکیچلیک دالیسیجان گنتمیرلر. بویورور: «نه ایش گورورسوز؟» دئییرلر: «بیز توکول ائدیرلر. آللاها توکول ائله میشوق». حضرت بویورور: «سبز توکول ائدیلر دئییلسیز بلکه جماعته یوکسوز».

ایمام سجّادین (ع) دو عاسینا اساساً مؤمن اینسان اؤز ایشلرینی آللاها تاپیشیرار و زیندگانلیق مرحله لرینده اونو اؤزونه دایاق بیلر. حضرت بویورور: «انی آلاها! تکجه سنه یالواریرام و سنه اومودوم وار و تکجه سنی چاغیرب سنه پناه گنیریرم و تکجه سنه اینانیرام و سنی اؤزومه دایاق بیلیرم و سنه ایمان گنیریرم و تکجه سنه توکول ائدیرم».